

Cov Quav Tsiaj Uas Txeej rau hauv Cov Qhov Dej Ntiag Tug

(Manure Spills in Private Wells)

Cov qhov dej uas paug quav tsiaj ua rau muaj kev pheej hmoo txog kev noj qab haus huv ntau heev.

Cov qhov dej ntiag tug uas nyob ze chaw muaj quav tsiaj ntwis nkag, muab quav tsiaj tso ua pawg, los sis khaws quav tsiaj tuaj yeem ua rau muaj kev paug quav tsiaj tau, tshwj xeeb mas yog tom qab ntuj los nag loj. Quav tsiaj yuav muaj cov kab mob uas tuaj yeem ua rau tib neeg muaj mob tau. Cov me nyuam mos, cov me nyuam yaus tseem yau, thiab cov neeg uas tsis muaj zog yuav muaj kev pheej hmoo ntau tshaj plaws.

Yog tias koj cov dej hauv lub qhov dej tsw tus ntxhiab quav tsiaj los sis cov dej muaj tsos av los sis daj, ces ua raws li cov kauj ruam no:



Siv lwm qhov chaw siv dej rau dej haus, npaj zaub mov, ntxuav tes, thiab da dej kom txog thaum koj cov dej tsis raug kev cuam tshuam ntxiv lawm.

Cov kev xaiv rau cov lwm cov dej muaj xws li:



Dej hauv kaus poom



Dej los ntawm qhov dej tsis muaj teeb meem



Dej los ntawm pej xeeb cov chaw muab dej siv



Muab cov dej khov thiab cov dej haus uas ua los ntawm cov dej ntawd cuam pov tseg.



Ntxuav tais diav yam ceev faj. Siv koj lub tshuab ntxuav tais diav cua sov kom qhuav los sis tua kab los sis ntxuav tes.*



Ceeb toom qhia rau Wisconsin Department of Natural Resources (Lub Thawj Fab Saib Xyuas Hauj Lwm Txog Peev Txheej Hav Zoov Hav Tsuag) (DNR) txog qhov xwm txheej. Tiv tauj [tus kws paub tshwj xeeb txog qhov dej ntiag tug](#) hauv koj cheeb tsam nroog los sis siv [DNR tus xov tooj thaum muaj xwm txheej ceev](#).*



DNR yuav soj qab taug lw seb qhov kev paug puas yog tshwm sim los ntawm kev ntsws nkag los ntawm cov quav tsiaj.* Qhov kev soj qab taug lw no tej zaum yuav muaj kev tuaj saib koj lub tsev ntawm cov neeg ua hauj lwm, thov kom koj ntsuas koj cov dej nrhiav txog cov kab mob npev taws lias, los sis lawv yuav muab qauv coj mus ntsuas ntawm lawv tus kheej. Yog tias cov quav tsiaj yog qhov laj thawj ntawm kev paug, tej zaum DNR yuav muab cov dej ua taub rau koj siv ib nyuag ntu.

Tham nrog koj tus kws muab kev pab cuam kho mob yog tias koj los sis ib tus neeg hauv tsev neeg muaj cov tsos mob uas tej zaum yuav cuam tshuam nrog koj cov dej.



Nrhiav kom tau lub hauv paus ua rau muaj kev paug.

Yog tias cov quav tsiaj yog qhov ua rau muaj kev paug, DNR yuav ua hauj lwm nrog koj los nrhiav txoj hau kev daws teeb meem. Yog tias quav tsiaj tsis yog qhov ua rau muaj kev paug, koj tseem tsim nyog yuav ua cov kauj ruam los hais daws kom tau qhov kev paug.*

* = Cov ntaub ntawv ntxiv muaj nyob rau hauv *Phau Ntawv Qhia Txog Kev Pab Cuam* (nplooj tom ntej).



Wisconsin Department of Health Services
Division of Public Health
Groundwater and Drinking Water Program

P-02952H
(08/2024)





★ Phau Ntawv Qhia Txog Kev Pab Cuam ★



Ua raws li cov lus qhia hauv peb *Kev ntxuav nrog Bleach* cov lus qhia rau **ntxuav tais diav**: www.dhs.wisconsin.gov/publications/p00631d.pdf



Ntaub ntawv tiv tauj rau cov kws paub tshwj xeeb txog qhov dej ntiag tug hauv cheeb tsam yuav muaj nyob ntawm

dnr.wisconsin.gov/topic/Wells/PrivateWaterSupply.html.

Koj kuj tuaj yeem hu tau los sis xa ntawv mus rau Tus Xov Tooj Xwm Txheej Ceev Txog Kev Ua Txhaum Cai Ntawm DNR tau ntawm

800-847-9367 los sis xa ntawv tshaj qhia tau ntawm

dnr.wisconsin.gov/contact/Hotline.html.



DNR muaj ntaub ntawv qhia paub txog cov kev soj qab taug lw txog kev txeej ntawm quav tsiaj thiab tus txheej txheem ntim dej rau taub haus ib nyuag ntu tau ntawm

dnr.wisconsin.gov/topic/DrinkingWater/manure.html.



Yog tias lawv thov kom koj ntsuas koj li dej ntiag tug, koj tsim nyog siv **chav kuaj mob** uas muaj kev lees paub los ntawm DNR. Koj tuaj yeem

nrhiav tau daim ntawv teev npe ntawm cov chav kuaj mob uas muaj ntawv pov thawj tau ntawm

<https://apps.dnr.wi.gov/dwsportalpub/BactiLab>.



Yog tias cov quav tsiaj tsis yog lub hauv paus ntawm kev paug kab mob npev taws lias, peb daim ntawv qhia qhov tseeb txog *Kab Mob Npev Taws Lias nyob hauv Cov Qhov Dej Ntiag Tug* tuaj yeem pab tau koj hais daws qhov teeb meem no: www.dhs.wisconsin.gov/publications/p02132.pdf



Koj yuav tsum tau kuaj cov arsenic, tej npev taws lias, thiab nitrate yam tsis tu ncua.

Koj tuaj yeem nrhiav cov ntaub ntawv ntawm cov no thiab lwm yam cuab yeej siv los txiav txim siab kuaj rau ntawm

www.dhs.wisconsin.gov/water/private.htm.

Koj tuaj yeem nrhiav tag nrho cov ntaub ntawv no thiab ntau ntxiv ntawm
www.dhs.wisconsin.gov/water/manure.htm

Puas muaj lus nug? Puas muaj kev txhawj xeeb?

Tiv tauj rau peb tau ntawm
DHSEnvHealth@wi.gov
los sis 608-266-1120.